

國朝滇南詩畧

第三卷

國朝滇南詩畧目錄

卷三

朱昂 六十首

時亮功

四首

錢熙貞 十四首

段標麟 一首

葉洪 一首

李欽甲 十首

許賀來 二十一首

江士宏 一首

陳瓚 一首

塗會 一首

劉訥 一首

朱之炎 二首

張惠可 二首

查奉璋 一首

楊永斌 二首

國朝滇南詩畧卷三

古皖江濬源岷雨

鑒定

保山袁文揆纂輯

姚江翁元圻鳳西

朱

昂

字子眉昆明人布衣工詩善山水著有

借菴詩草三卷按孫顧翁海光寺記昂
本名源字禹源擔公外甥闔門三百餘口
俱遭流寇擔公因携至雞山從學詩盡釋
名把茅後還俗改名昂

彈琴

爐烟既白。天地乃靜。月吐幽輝。虛館時映。四顧茫
茫。白雲之鄉。清溪澹澹。寒島蒼蒼。海水汨沒。羣鳥
悲翔。令我神遷。太古之先。泠然冥然。萬物寂然。
幽澹

別友

夜深坐南軒。明月照北牕。寒蛩號月中。秋風鳴樹
底。萬響聒虛空。清聽肅人耳。孤鴻海上飛。含愁別
之子。天水空蒼茫。雲山相遷迤。揮手欲有言。尋思
無一語。惟有孤月光。心跡共君許。
蘊蓄處得
儲韋之遺

遣興

有鳥全羽毛。孤飛何翩翩。不肯傍人棲。來憩青松巔。朝食松上花。暮飲松下泉。太倉豈無粟。江漢豈無田。寧與霜雪俱。飢骨不受憐。有時念羣儔。飛鳴入紫烟。斤鷄聲嘖嘖。出入叢篠邊。爭食復爭飛。翻嗤我為顛。鸞鷟有健翮。一舉程幾千。出處苟非時。徒為荊棘牽。瑩瑩守一枝。風雨自年年。溪山與雲石。可以相周旋。

子眉值吳藩變亂所以慨乎言之

仲冬同方公衍劉如溪張雲之劉友三過陳
竟一山居

仲冬天氣佳。愛此風日好。邀朋四五人。出郭賸清
曉。是時煙瘴消。零露滴荒草。坦步適前溪。幽事隨
探討。寒梅不見花。香氣吹晴島。指點蒼茫中。山青
茅屋小。危橋渡石甬。參差行木杪。拄杖扣柴扉。端
然出故老。床上亂琴書。堂前多梨棗。引客看脩竹。
相對忘機巧。呼兒取園蔬。花間復灑埽。郛筒酒不

岷雨云因
蒼生枯槁
而歎立身
不早是何
等抱負

岷雨云蒼
涼紆鬱令
人頓增平
子之愁

沽脫粟飯一飽。二劉發清謳。方生縱談藻。張子豁
心胸。吾意亦潦倒。戎馬三十秋。蒼生半枯槁。我輩
苦漂流。立身愧不早。生事各有謀。愁多會面少。會
須飲百盃。莫使風光惱。

秋感

我行向東郊。徘徊望秋樹。落日四無人。汨汨水東
注。禾黍互高低。鳥雀驚遲暮。即此懷舊山。佇立不
能去。

可抵一篇登
幽州城歌

鳳西云石
公退庵子
眉繼玉峰
少宰而起
不拘一格
各自成家
皆得轉韻
鍊字之妙
而撐腸拄
腹皆杜子
眉獨優焉

獨步

立影向大荒。天地無終極。棲神萬物靜。得意忘所
適。曾中一字無。眼底千山碧。自嘯還自歌。佇久蒼
煙積。蒼

把邊江

古為元江車
里分界處

行邁心搖搖。夜長思便起。雞鳴喚童僕。燃新燎。行
李朝發雲中山。暮歇天邊水。此水名把邊。在昔繫
車里。溶溶一派分。旋折萬山裏。元江東北流。阿墨

岷雨云恍
似遊仙詩
一派意味
在可解不
可解之間

相邈迤。倒樹礙行車。漁舟膠石齒。獼猿飲貫珠。孔
雀眠沙汜。岸旁伏老蛟。盤渦沒厓湫。有時澎湃興
喧聒。征夫耳。有時煙氣消。深沉似無底。茫茫羈旅
人。瞰物成悲喜。擇木慚幽禽。臨波羨雙鯉。五回涉
三江。千峯望普洱。

秋夢篇

金氣初升雨尚霑。銀床一葉便蕭森。桂炷頻添坐
華燭。欲睡不睡彈虞琴。琴聲欲歇雨聲注。颼溜恐

濕還家路夢裏騎鸞到藐姑。指點烟鬟披玉樹仙
子瑩瑩月下逢。回颺恍惚香生步。慙勤贈我紫霞
綃。度曲還吹綠玉簫。素女傳姿傾鶴髓。青童如雪
簇蘭肴。須臾月沒銀河澹。渺渺寒江滌匹練。碧天
未曉白雲遮。鵲駕烏橋影零亂。醒來惆悵惟秋風
遠。浦雞鳴野寺鐘。風調自佳

元江檳榔行

元江風土真愁絕。赤霧燒空日如血。崇山四面鎖

孤城城門隱隱江流熱。沿江一帶無居停。賴有檳榔萬樹青。亭亭發葉擎羽扇。累累結顆類林檎。七月八月秋將半。摘採從來蠻女慣。紅裙赤脚鼓鸞刀。細剖藤稍穿作串。持向街頭索價。奢色如蔓子勝丹砂。晨趨暮逐競相買。那分豪富與貧家。吁嗟貧家食此甚艱難。如何習俗同朝餐。況復干戈猶滿地。兒啼女叫常飢寒。請看四海五湖客。不食檳榔日亦得。題亦不過咏風土耳。一結寓忠愛規戒意。無限深情。即此是少陵家法。

題畫贈陳邕也

風搖雨足斜陽暗石勢撐天天欲撼一聲欸乃見
漁舟無數遠山青隔岸岸傍幽谷有雲遮還從雲
裏見桑麻此地雖非避秦處漁人誤說有桃花桃
花不見惟江樹江水江烟沒江路滿床明月七窓
風其中定有高人住高人踪跡莫可尋但逢山水
即知音楚天萬里白雲深衡岳瀟湘共此心
意致閒遠

題楊子青齋頭石山

能具千峯勢屹然存古今只宜常坐對漸可入幽
深瘦削同吾骨空靈見汝心攣拳花竹下終日變
晴陰

登樓

向晚驚烽燧天寒獨倚樓雁呼荒塞月雲墮碧山
秋短髮持樽酒長歌慰旅愁故鄉歸未得戎馬尚
悠悠

烏撒道中口占

不盡羊腸路。崎嶇出夜郎。亂山藏鬼國。老樹聚蜂房。火種蠻烟黑。星居塞草黃。前峯尤太險。空馬意徬徨。

步林間尋小石洞不見

步履乘秋色。疎林透遠峯。萬竿寒竹靜。一徑古苔封。野鶴披雲出。仙媛隔水逢。洞門深不見。回首但聞鐘。

守歲

失却今宵夢。勞生一暫閒。孤燈寒夜客。殘雪異鄉山。
烽火何時歇。春光明日還。主人贈樽酒。相與破愁顏。

秋日言懷四首

長鑱堪託命。短褐自禁風。白屋秋山裏。黃花晚徑東。
七歌懷杜甫。五噫感梁鴻。與世常無事。飄然一醉翁。

一身何簡略。絕塞幾年居。詩酒真無賴。溪山興有餘。

餘愁窺青鏡影。喜接故人書。意欲逃名姓。滄江學釣魚。

漸覺重陽近。鄉心一倍加。愁看籬下菊。猶是去年花。此日仍為客。何人不憶家。二三良友盡。寥落各天涯。

行歌霜月裏。徙倚歎雲浮。鼓角荒城暮。乾坤白髮秋。興來曾訪戴。世亂每依劉。午夜高樓上。迢迢望斗牛。

頸聯語
經百鍊